



**ZAPISNIK O RADU 25. SJEDNICE
KOLEGIJA GRADSKOG VIJEĆA GRADA SARAJEVA**
održane 03.05.2018. godine

Broj: 01-GV-02-548/18

Datum: 03.05.2018. godine

Prisutni:

1. Dr. Igor Gavrić, Predsjedavajući Gradskog vijeća
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miro Lazović, predsjedavajući Kluba gradskih vijećnika SDP-a
6. Tea Mušić, predsjedavajuća Kluba gradskih vijećnika SBB
7. Mr. Vibor Handžić, predsjedavajući Kluba gradskih vijećnika Naše stranke
8. Mr. Sead Srna, predsjedavajući Kluba gradskih vijećnika "ASA"
9. Lana Velić, predsjedavajuća Kluba gradskih vijećnika DF
10. Vedran Dodik, predsjedavajući Kluba gradskih vijećnika GRADANSKI SAVEZ – SAVEZ ZA STARI GRAD
11. Srđan Srdić, predsjedavajući Kluba samostalnih gradskih vijećnika Srdić – Stojnić
12. Safet Krajišnik, sekretar Gradskog vijeća

Odsutan: Bajro Biber, predsjedavajući Kluba gradskih vijećnika BOSS – USD

Sjednici je prisustvovala po ovlaštenju Gradonačelnika Maja Hadžihalilović, rukovodilac Stručne službe Gradonačelnika.

Sjednici je prisustvovala Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatirao kvorum za punovažan rad i odlučivanje.

Bez rasprave, na prijedlog Predsjedavajućeg Gradskog vijeća, jednoglasno je usvojen Zapisnik o radu 24. sjednice Kolegija Gradskog vijeća Grada Sarajeva.

Na prijedlog Predsjedavajućeg, jednoglasno je usvojen sljedeći **dnevni red**:

1. Priprema za održavanje 16. sjednice Gradskog vijeća Grada Sarajeva
2. Tekuća pitanja

Ad 1)

a. Termin održavanja sjednice i dinamika aktivnosti u pripremi sjednice Gradskog vijeća

Poslije rasprave i sažetka Predsjedavajućeg, konstatirano je, odnosno zaključeno sljedeće.

- 16. sjednica Gradskog vijeća će se održati 30.05.2018. godine.
- Predlagači će prijedloge sa materijalima za razmatranje na 16. sjednici dostaviti Predsjedavajućem 04.05, a najkasnije u ponedjeljak 07. maja.
- Sjednice radnih tijela u pripremi 16. sjednice Gradskog vijeća održat će se u srijedu, četvrtak i petak 09, 10. i 11.05.2018. godine.
- Pozivi gradskim vijećnicima za 16. sjednicu Gradskog vijeća uputit će se u utorak 22.05.2018. godine.

b) Praćenje realizacije Programa rada Gradskog vijeća Grada Sarajeva

Poslije rasprave i sažetka Predsjedavajućeg, konstatirano je, odnosno zaključeno sljedeće.

Nacrt Odluke o usvajanju Regulacionog plana „Brdo Hrasno“ sa Odlukom o provođenju Regulacionog plana „Brdo Hrasno“, programiran za razmatranje u maju mjesecu, prema informaciji Gradonačelnika nije spreman i neće moći biti uvršten u prijedlog dnevnog reda 16. sjednice Gradskog vijeća, uz obrazloženje Gradonačelnika od 30.04.2018. godine, dostavljeno Predsjedavajućem Gradskog vijeća na sjednici Kolegija u pisanoj formi, a koje se arhivira u prilogu ovog zapisnika.

Prijedlog Odluke o usvajanju Regulacionog plana „Kvadrant C – Marijin Dvor“ sa Odlukom o provođenju Regulacionog plana „Kvadrant C – Marijin Dvor“, programiran za razmatranje u maju mjesecu, prema informaciji Gradonačelnika nije spreman i neće moći biti uvršten u prijedlog dnevnog reda 16. sjednice Gradskog vijeća, uz obrazloženje Gradonačelnika od 30.04.2018. godine, dostavljeno Predsjedavajućem Gradskog vijeća na sjednici Kolegija u pisanoj formi, a koje se arhivira u prilogu ovog zapisnika.

Informacija o izgradnji biciklističke staze na potezu Nedžarići – Skenderija, programirana za razmatranje u maju mjesecu, prema informaciji Gradonačelnika spremna je, te se očekuje u prijedlogu dnevnog reda 16. sjednice Gradskog vijeća.

Izvještaj o izvršenju Budžeta Grada Sarajeva za I. kvartal 2018. godine, programiran za razmatranje u maju mjesecu, prema informaciji Gradonačelnika spreman je u vidu informativnog materijala, a u prijedlog dnevnog reda 16. sjednice Gradskog vijeća će se uvrstiti u formi informacije.

Izvještaj o provođenju Odluke o uslovima i postupku prihvatanja pokroviteljstva Grada Sarajeva u 2017. godini iz nadležnosti Gradske službe za obrazovanje, kulturu, sport i mlade, programiran za razmatranje u maju mjesecu, prema informaciji Gradonačelnika spreman je, te se očekuje u prijedlogu dnevnog reda 16. sjednice Gradskog vijeća.

Nacrt Odluke o izmjenama i dopunama Odluke o spomenicima od značaja za Grad Sarajevo, programiran za razmatranje u maju mjesecu, prema informaciji Gradonačelnika nije spreman i neće moći biti uvršten u prijedlog dnevnog reda 16. sjednice Gradskog vijeća, uz obrazloženje Gradonačelnika od 30.04.2018. godine, dostavljeno Predsjedavajućem Gradskog vijeća na sjednici Kolegija u pisanoj formi, a koje se arhivira u prilogu ovog zapisnika.

Izvještaj o realizaciji Programa manifestacije obilježavanja 6. aprila – Dana grada Sarajeva u 2018. godini, programiran za razmatranje u maju mjesecu, prema informaciji Gradonačelnika spreman je, te se očekuje u prijedlogu dnevnog reda 16. sjednice Gradskog vijeća.

c) Obaveze od ranije

Izvještaj o radu i poslovanju JP „Sarajevo“, d.o.o., programiran za razmatranje u aprilu mjesecu, prema informaciji Gradonačelnika spreman je, te se očekuje u prijedlogu dnevnog reda 16. sjednice Gradskog vijeća.

Izvještaj o radu i poslovanju JP „Olimpijski bazen Otoka“, d.o.o., programiran za razmatranje u aprilu mjesecu, prema informaciji Gradonačelnika spreman je, te se očekuje u prijedlogu dnevnog reda 16. sjednice Gradskog vijeća.

Prema informaciji Gradonačelnika i dalje se odlaže razmatranje:

- Nacrta/Prijedloga Elaborata o postavljanju reklamnih panoa i drugih sadržaja uz uređena korita vodotoka iz nadležnosti Grada Sarajeva, i

- Prijedloga Odluke o izmjenama i dopunama Odluke o upotrebi grba, imena i isticanju zastave Grada Sarajeva.

Prema informaciji Gradonačelnika nije izvjesno, ali je moguće da se do potrebnog roka za pripremu materijala za razmatranje na 16. sjednici Gradskog vijeća utvrde i

- Prijedlog Odluke o usvajanju Regulacionog plana „Rajlovac III“ s Prijedlogom Odluke o provođenju Regulacionog plana „Rajlovac III“ i
- Prijedlog Odluke o usvajanju Regulacionog plana „Vraca“ s Prijedlogom Odluke o provođenju Regulacionog plana „Vraca“.

Nacrt Odluke o usvajanju Regulacionog plana „Reljevo“ s Odlukom o provođenju Regulacionog plana „Reljevo“, programiran za razmatranje u aprilu mjesecu, prema informaciji Gradonačelnika se odlaže.

Izvještaj o realizaciji Programa stipendiranja učenika srednjih škola za školsku 2017/2018. godinu, programiran za razmatranje u aprilu mjesecu, prema informaciji Gradonačelnika spreman je, te se očekuje u prijedlogu dnevnog reda 16. sjednice Gradskog vijeća.

d) Novi prijedlozi

Kolegij je konstatirao da se u prijedlogu dnevnog reda 16. sjednice Gradskog vijeća očekuju i sljedeći materijali:

- Prijedlog Odluke o izmjenama i dopunama Etičkog kodeksa izabраних zvaničnika Grada Sarajeva, i
- Prijedlog Odluke o izmjenama i dopuni Kalendara obilježavanja datuma i događaja značajnih za Grad Sarajevo.

e) Mogući prijedlog dnevnog reda 16. sjednice Gradskog vijeća

1. Prijedlog Odluke o usvajanju Regulacionog plana „Rajlovac“ s Prijedlogom Odluke o provođenju Regulacionog plana „Rajlovac III“ (uvjetno)
2. Prijedlog Odluke o usvajanju Regulacionog plana „Vraca“ s Prijedlogom Odluke o provođenju Regulacionog plana „Vraca (uvjetno)
3. Prijedlog Odluke o izmjenama i dopuni Kalendara obilježavanja datuma i događaja značajnih za Grad Sarajevo
4. Prijedlog Odluke o izmjenama i dopunama Etičkog kodeksa izabраних zvaničnika Grada Sarajeva
5. Izvještaj o realizaciji Programa manifestacije obilježavanja 6. aprila Dana grada Sarajeva u 2018. godini
6. Izvještaj o provođenju Odluke o uslovima i postupku prihvatanja pokroviteljstva Grada Sarajeva u 2017. godini iz nadležnosti Gradske službe za obrazovanje, kulturu, sport i mlade
7. Izvještaj o realizaciji projekta stipendiranja učenika srednjih škola u školskoj 2017/2018. godini
8. Izvještaj o radu i poslovanju JP “Olimpijski bazen Otoka” d.o.o. Sarajevo za 2017. godinu
9. Izvještaj o radu i poslovanju za 2017. godinu JP “Sarajevo” d.o.o.
10. Informacija o izgradnji biciklističke staze na potezu Nedžarići – Skenderija
11. Informacija o izvršenju Budžeta Grada Sarajeva za period 01.01. - 31.03.2018. godine
12. Vijećnička pitanja i inicijative

Ad 2)

Pod ovom tačkom dnevnog reda nije bilo ni konstatacija ni zaključaka.

SEKRETAR GRADSKOG VIJEĆA
Safet Krajišnik, s.r.

PREDSJEDAVALAČI GRADSKOG VIJEĆA
Dr. Igor Gavrić, s.r.



**ZAPISNIK O RADU 26. SJEDNICE
KOLEGIJA GRADSKOG VIJEĆA GRADA SARAJEVA**
održane 30.05.2018. godine
(pred početak 16. sjednice Gradskog vijeća Grada Sarajeva)

Broj: 01-GV-02-623/18

Datum: 30.05.2018. godine

Prisutni:

1. Dr. Igor Gavrić, Predsjedavajući Gradskog vijeća
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miroslav Živanović, zamjenik predsjedavajućeg Kluba gradskih vijećnika SDP-a
6. Tea Mušić, predsjedavajuća Kluba gradskih vijećnika SBB
7. Mr. Vibor Handžić, predsjedavajući Kluba gradskih vijećnika Naše stranke
8. Mr. Sead Srna, predsjedavajući Kluba gradskih vijećnika "ASA"
9. Lana Velić, predsjedavajuća Kluba gradskih vijećnika DF
10. Nuko Grebović, predsjedavajući Kluba gradskih vijećnika GRAĐANSKI SAVEZ – SAVEZ ZA STARI GRAD
11. Dado Stojnić, zamjenik predsjedavajućeg Kluba samostalnih gradskih vijećnika Srdić – Stojnić
12. Bajro Biber, predsjedavajući Kluba gradskih vijećnika BOSS – USD
13. Safet Krajišnik, sekretar Gradskog vijeća

Sjednici je prisustvovao Gradonačelnik mr. Abdulah Skaka, te Maja Hadžihalilović, rukovodilac Stručne službe Gradonačelnika.

Sjednici je prisustvovala Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatirao kvorum za punovažan rad i odlučivanje.

Na prijedlog Predsjedavajućeg, jednoglasno je usvojen sljedeći **dnevni red**:

1. Priprema za održavanje 16. sjednice Gradskog vijeća Grada Sarajeva
2. Tekuća pitanja

Ad 1)

Predsjedavajući Gradskog vijeća je podsjetio prisutne, da je Gradonačelnik uputio da se na 16. sjednici razmatra Informacija o mogućnosti realizacije projekta održavanja Formule E u Sarajevu.

Dodatne informacije je dao Gradonačelnik.

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Kolegij Gradskog vijeća predlaže Gradskom vijeću da donese sljedeće zaključke:

1. Gradsko vijeće Grada Sarajeva je razmotrilo Informaciju o mogućnosti realizacije projekta održavanja Formule E u Sarajevu i primilo je k znanju.
2. Gradsko vijeće Grada Sarajeva podržava inicijativu za realizaciju projekta održavanja Formule E u Sarajevu i daje podršku Gradonačelniku za dalje postupanje ka realizaciji projekta.

3. Zadužuje se Gradonačelnik da, za jednu od narednih sjednica Gradskog vijeća, predloži akt kojim će Gradsko vijeće odlučiti o pristupanju projektu održavanja Formule E u Sarajevu i opredijeliti se za izdvajanje budžetskih sredstava potrebnih za izradu studije izvodljivosti.

Ad 2)

Pod ovom tačkom dnevnog reda nije bilo ni konstatacija ni zaključaka.

*SEKRETAR GRADSKOG VIJEĆA
Safet Krajišnik, s.r.*

*PREDSJEDAVAJUĆI GRADSKOG VIJEĆA
Dr. Igor Gavrić, s.r.*